



咱的大自然環境

文明的現代人，敢有比往過的人較好食暎咧？心肝頭有較快活自在無？現此時臺灣的好額佢散赤攏平平有通食穿，是按怎好額人猶是錢錢叫，仙趁都袂滿足？散赤的嘛講伊是弱勢者，著愛閣較濟的社會福利來幫贊佢救濟咧？閣進一步來講，四箍輾轉的環境，你有佢意無？有四序無？遮的鹹酸苦澀的滋味，一人一樣攏袂相雋。

論真來講，咱嘛誠捷聽著「人定勝天」的講法；為著眼前的利益就大主大意去起造水壩、濫糝開墾、採礦剝柴，閣較識的，就去設計改變河川、地形，開發山坡地、濕地，無所不至的齣頭毋管按怎變，好空攏是一時爾，暢無幾工就隨去踢著鐵枋咻咻死；繼落去啥物地層下陷、塗石流、山崩地裂的災厄攏無停暎過，袂輸有鬼纏身按呢，仙剝都袂離，用一句上簡單話來講，做到路尾，齊是一寡害家己、害眾人、害著咱所倚起的環境、大自然，正經是假勢爾，盍有佢勢咧？

大自然的物件濟閣好耍、嬌擱好用，有花有草、有樹仔通踎、有果子仔通食、有水通泔、有光景通看、有魚蝦通掠……若莫變過頭、討債用，決定袂蝕本；嘛過幾百冬所起造的文明，攏是咧損蕩(sng-tng)咱的自然環境、開家己的棺材本，也無去想後步通留予囝孫沓沓仔用，這陣嘛舞甲強欲臭火焦無藥醫矣；一个好額人，準有比山較懸的家伙，猶袂堪得出一個敗家仔囝烏白翻(phún)、亂舞一場透，無講毋但是出一個爾。

若會當反倒轉來檢討，用謙卑的心情食認毋著，予眾人攏有寬諒、寶惜大自然的腹腸，咱才有救；抑若無，地球干焦一粒，聽候用盡、開(khai)煞，人就無路通去，等斷種爾；這陣來做，是有較晏淡薄仔，毋過，若毋緊猛去做，恐驚會袂赴市！

作者：藍春瑞

☆詞彙學習☆

【相雋】sio-siāng：相同

【大主大意】tuā-tsú-tuā-ì：擅作主張

【濫糝】lām-sám：胡亂作為

【識】hàm：誇張、浮泛

【蝕本】sih-pún：虧本

【損蕩】sng-tng：破壞、糟躓

【家伙】ke-hué：財產

【翻】phún：揮霍、亂花錢

【無講】bô-kóng：何況

【食認】tsiah-jīn：承認、負責

【緊猛】kín-mé：儘快、趕緊

【袂赴市】bē-hù-tshī：來不及